

Ysgol I.D. Hooson  
Heol Caradog  
Rhosllannerchrugog  
LL14 2DX  
Ffôn: 01978 832950  
Ffacs: 01978 832955  
e-bost: [mailbox@hooson-pri.wrexham.sch.uk](mailto:mailbox@hooson-pri.wrexham.sch.uk)



---

## YSGOL I.D. HOOSON

---

Medi 7fed, 2018

Annwyl Rieni/Gofalwyr,

Croeso'n ôl wedi'r gwyliau. Gobeithio eich bod wedi mwynhau y gwyliau haf ac yn barod am flwyddyn arall brysur yn yr ysgol. Hoffwn gyflwyno ychydig o wybodaeth bwysig i chi ar gyhwyn y tymor newydd.

### Cyswllt gyda'r athrawon dosbarth:

Gallwch e.bostio'r athrawon dosbarth yn uniongyrchol os oes angen. Gallwch wneud hyn ar gyfer newid amseroedd nosweithiau rhieni a.y.y.b. Oherwydd rhesymau amddiffyn data, ni ddylid defnyddio'r e.bost i gyfnewid gwybodaeth cyfrinachol. Isod gwelir cyfeiriad e.bost pob athro. Ni ddylid defnyddio'r system e.bost i wneud cwyn os gwelwch yn dda.

Miss Amy Morris	<a href="mailto:MorrisA21@hwbcymru.net">MorrisA21@hwbcymru.net</a>
Miss Laura Lewis	<a href="mailto:LewisL109@hwbcymru.net">LewisL109@hwbcymru.net</a>
Miss Bethan Thompson	<a href="mailto:ThompsonB1@hwbcymru.net">ThompsonB1@hwbcymru.net</a>
Miss Charlotte Williams	<a href="mailto:WilliamsC2834@hwbcymru.net">WilliamsC2834@hwbcymru.net</a>
Miss Manon Davies	<a href="mailto:DaviesM125@hwbcymru.net">DaviesM125@hwbcymru.net</a>
Miss Delyth Dempsey	<a href="mailto:DempseyD1@hwbcymru.net">DempseyD1@hwbcymru.net</a>
Mr Alun Roberts	<a href="mailto:RobertsA55@hwbcymru.net">RobertsA55@hwbcymru.net</a>
Mrs Miriam Jones	<a href="mailto:MorrisM22@hwbcymru.net">MorrisM22@hwbcymru.net</a>
Miss Bethan Morris	<a href="mailto:MorrisB27@hwbcymru.net">MorrisB27@hwbcymru.net</a>
Mr Dyfan Jones	<a href="mailto:JonesD106@hwbcymru.net">JonesD106@hwbcymru.net</a>
Mrs Manon Williams	<a href="mailto:WilliamsM1666@hwbcymru.net">WilliamsM1666@hwbcymru.net</a>
Miss Eiliw Evans	<a href="mailto:EvansE42@hwbcymru.net">EvansE42@hwbcymru.net</a>
Mr Sion Owen	<a href="mailto:OwenS19@hwbcymru.net">OwenS19@hwbcymru.net</a>

Cofiwch gysylltu a'r ysgol os ydych yn ansicr o unrhyw beth. Rydym yma i helpu a rydym wastad yn awyddus i drafod unrhyw faterion a datrys unrhyw broblem er llês y plant.

Yn y lle cyntaf, os oes gennych bryder ynghylch eich plentyn (addysg/ymddygiad ayyb) - cysylltwch â'r **athro/athrawes dosbarth**. Efallai y cewch eich cyfeirio at aelod arall o staff yr ysgol.

Os nad ydych yn hapus gyda'r ymateb - dylech chi gysylltu gyda **Miss Bethan Thompson** (Pennaeth Cyfnod Sylfaen), **Mrs Manon Williams** (Pennaeth Cyfnod Allweddol 2) neu **Mr Dyfan Jones** (Dirprwy Bennaeth).

Os ydych yn parhau i fod yn anfodlon gyda'r ymateb, cysylltwch â **Mr Rhodri Jones** (Pennaeth)

Os ydych chi'n parhau i fod yn anfodlon, dylech gysylltu â **Mr Aled Roberts**, Cadeirydd Llywodraethwyr yr Ysgol.

#### **Athrawon gyda chyfrifoldebau penodol:**

Cydgysylltydd Llês a Anghenion Dysgu Ychwanegol yr ysgol yw **Mr Sion Owen**. Mae Mr Owen ar gael i drafod pryderon sydd yn ymwneud a datblygiad a llês eich plentyn, ac i drafod unrhyw gefnogaeth ychwanegol y gallai'r ysgol ei gynnig i'ch plentyn os oes angen. Bydd angen trefnu amser cyfleus ar gyfer unrhyw apwyntiad neu drafodaeth gyda Mr Owen, gan y bydd yn gyfrifol am ddsbarth blwyddyn 5 a 6 am y mwyafswm o'i amserlen wythnosol.

Bydd **Miss Manon Davies**, **Mr Alun Roberts** a **Mr Sion Owen** yn chwarae rôl bwysig wrth fonitro presenoldeb a phrydlondeb, ac yn cyd-weithio gyda Swyddog Llês yr Awdurdod.

**Y Gymraeg** - Mae'r Gymraeg yn rhan allweddol o fywyd yr ysgol hon, ac mae'n rhoi llawer iawn o bleser i ni fel ysgol yn gweld y digybllion o oed y meithrin i flwyddyn 6 yn datblygu eu medrau yn yr iaith Gymraeg. Cymraeg yw iaith yr ysgol, ac felly rydym yn y plant i wneud defnydd o'r iaith ar bob cyfle posib. Mae hyn yn wir wrth gwrs oddi mewn ac oddi allan i furiau'r ysgol. Rydym wrth ein bodd yn clywed y plant siarad ac yn defnyddio'r Gymraeg, a byddwn yn gwneud defnydd o systemau gwobrwyo i ganmol ac i annog y plant ymhellach. Defnyddio'r Gymraeg i gyfathrebu yn yr ysgol yw yr hyn yr ydym yn ei ddisgwyl gan y plant yn yr ysgol hon, ac felly a fydddech cystal a hybu'r neges hon gyda'ch plant fel rhieni / ofalwyr. Drwy ymarfer a defnydd cyson bydd eu medrau dwyieithrwydd yn datblygu.

#### **Nosweithiau Cwricwlaidd**

Cynhelir nosweithiau cwricwlaidd yn ystod trydydd wythnos y tymor. Bydd yn gyfle i gyfarfod gyda athro dosbarth eich plentyn, a derbyn ychydig o wybodaeth am y flwyddyn.

#### **Dydd Llun, Medi 17eg**

Meithrin / Derbyn 5.30 p.m. Dwy ieithog

#### **Dydd Mawrth, Medi 18fed**

Bl. 1 a 2 5.30 p.m. Dwy ieithog

#### **Dydd Mercher, Medi 19eg**

Bl.5 a 6 5.30 p.m. . Dwy ieithog

#### **Dydd Iau, Medi 20fed**

Bl. 3 a 4 5.30 p.m. Dwy ieithog

#### **Absenoldebau:**

Mae presenoldeb uchel yn flaenoriaeth barhaus i'r ysgol. Mae'n allweddol fod eich plentyn yn mynych'r ysgol yn ddyddiol. Gofynnir i chi gysylltu a'r ysgol yn syth ar ddiwrnod cyntaf absenoldeb eich plentyn. **Gofynnwn i chi wneud hyn cyn 9.30 os gwelwch yn dda.** Byddwn yn monitro presenoldeb a phrydlondeb ac mewn cyswllt gyda chi os fydd ffigyrau presenoldeb yn disgyn i lefel annerbyniol.

Bydd Pennaeth yr ysgol yn penderfynu os y bydd yr ysgol yn awdurdodi ceisiadau am absenoldeb yn ystod y tymor. Bydd yn ddibynol ar ffigyrau presenoldeb presennol y plentyn yn ogystal a ffigyrau presenoldeb blaenorol. Dylid gwneud unrhyw ceisiadau am gael absenoldeb o'r ysgol drwy lythyr i'r Pennaeth. Ni fydd ceisiadau am fwy na 5 diwrnod yn cael ei hawdurdodi. Rydym yn eich annog i wneud pop ymdrech i osgoi trefnu gwyliau yn ystod y tymor ysgol.

**Mae hawl gan yr ysgol drwy drafodaethau gyda'r Awdurdod Lleol, gyflwyno Rhybudd Cosb Benodedig o £60 pan fydd presenoldeb yn disgyn i lefel annerbyniol sydd heb ei hawdurdodi.**

### Clwb Brecwast a Chlwb ar ôl ysgol

Mae clwb brecwast yr ysgol yn cychwyn am 8 o'r gloch. Gall y plant fwynhau brecwast syml (cereal, tost, ffrwyth a diod) am ddim. Gofynnwn i'r plant **gyrraedd cyn 8.30** os am gymryd mantais o'r gwasanaeth hwn. Am 8.45 bydd disgyblion CA2 yn ymadael a'r clwb i fynd ar y buarth. Bydd plant y Cyfnod Sylfaen yn cael ei harwain o'r clwb i'w dosbarth. Ni does angen hysbysu os ydych am ddefnyddio'r clwb ymlaen llaw, ond bydd angen cwblhau ffurflen gofrestru ar y diwrnod cyntaf.

Mae'r clwb ar ôl ysgol yn rhedeg o 3:15 pm hyd at 5:30 pm. Cost y clwb yw £3.50 o 3:15 to 4:30 p.m. ac yna £3.50 ychwanegol o 4:30 hyd at 5:30 p.m. Bydd y plant yn derbyn byrbryd a diod ac yn cael cyfle i gymryd rhan mewn gweithgareddau amrywiol. Ni dderbynir mwy na 40 o blant yn y clwb ac felly bydd angen trefnu ymlaen llaw am le i'ch plentyn, drwy Miss Lowri Jarvis.

### Clybiau ar ôl ysgol

Dyma i chi drefn clybiau ar ôl ysgol a fydd yn cychwyn wythnos nesaf, sef yr wythnos sydd yn cychwyn ar ddydd Llun y 10fed o Fedi. Yn y clybiau hyn, byddent yn cael y profiad o sawl chwaraeon gwahanol. Gwneir pob ymdrech i beidio a gohirio'r clybiau. Os oes achos ble bydd angen gohirio, gwneir pob ymdrech i'ch hysbysu mewn digon o amser er mwyn eich galluogi i wneud trefniadau eraill. A fydddech cystal a sicrhau eich bod yn casglu eich plentyn yn brydlon ar ddiwedd y clybiau. Bydd clybiau Cerdd Creadigol a Dawn yr Urdd yn cychwyn tuag at ddiwedd y mis. Bydd manylion yn dilyn am y clybiau hyn.

Llun	Urdd - Cerdd Creadigol	Gwybodaeth i ddilyn.
Mawrth	Clwb chwaraeon bechgyn	Bl. 3-6: 3.15 - 4.15 p.m
Mercher	Clwb chwaraeon Merched	Bl. 3-6: 3.15 - 4.15 p.m
Iau	Clwb Gymnasteg Bl.3-6(hyd at hanner tymor) Bl.1&2(ar ol hanner tymor hyd at y Nadolig)	
Gwener	Clwb Dawns Creadigol yr Urdd -	Gwybodaeth i ddilyn

### Parcio a chyrraedd yr ysgol yn y bore

Hoffwn eich atgoffa i gymryd gofal a phwyll wrth yrru eich car yn y maes parcio ac i barchu'r rheolau parcio. A fydddech cystal a gwneud pob ymdrech i osgoi parcio ar y gwair, mewn lleoliadau sydd yn gallu achosi anghyfleustra mawr megis ym mhrif fynedfa yr ysgol ac hefyd tu allan i dai cymdogion yr ysgol yn ardal Glanrafon. Mae'r ysgol yn parhau i dyfu, ac o ganlyniad mae'r maes parcio yn fwy a mwy prysur. Hefyd a fydddech cystal ac osgoi parcio yn yr ardal gollwng/drop-off, gan fod hyn yn amharu ar rediad y traffig. Hoffwn eich annog i ddefnyddio'r man gollwng i ollwng eich plentyn, a cheisio ymadael a'r maes parcio a champws yr ysgol unwaith y bydd eich plentyn wedi cyrraedd yr ysgol. Bydd aelodau o staff yr ysgol ar fuarth yr ysgol o 8.45 ymlaen hyd at pan fydd cloch yr ysgol yn canu am 8.55, ac felly nid oes angen i rieni/ofawlyr fod yn bresennol ar y buarth yn ystod y cyfnod hwn hyd at pan fydd cloch yr ysgol yn canu i'r disgyblion gael ei harwain i mewn i'r dosbarth am 8.55. Byddai hyn hefyd yn hwyuso sefyllfa parcio a phrysurdeb yn y maes parcio. Cofiwch y gallwch wneud defnydd o'r clwb brecwast fel y nodwyd.

Bydd y staff yn parcio yn y manau pellaf o'r ysgol, ac felly bydd posib parcio dwbl am gyfnod byr yn y manau hyn os oes angen. Opsiwn arall fyddai i barcio yn y maes parcio ar Bonc Wen a cherdded ychydig i'r ysgol.

**Beicio i'r ysgol** - Mae'n braf gweld nifer o ddisgyblion yn beicio i'r ysgol. Er hyn, hoffwn eich annog i sicrhau fod eich plentyn yn gwisgo helmed ddiogelwch addas.

**Cŵn** - Hoffwn eich atgoffa, oherwydd resymau iechyd a diogelwch, nad oes caniatad i gŵn ddod ar gampws yr ysgol. Diolch am eich cyd-weithrediad.

### Gwisg Ysgol

Mae'n braf gweld y plant i gyd yn edrych mor daclus yn ei gwisg ysgol ar gychwyn y flwyddyn. Diolch i chi am eich cydweithrediad wrth sicrhau fod y plant yn gwisgo'r wisg gywir, yn ogystal a esgidiau du. Hoffwn bwysleisio fod polisi'r ysgol yn gofyn i'r disgyblion wisg **esgidiau du** ac nid trainers du. Gawn ni eich atgoffa mai cwmni **RAM Leisure** yn unig sydd yn gwerthu ein gwisg ysgol. Eu cyfeiriad yw **Trinity House, Whitegate Industrial Estate, Whitegate Rd, Wrecsam LL13 8UG**. Eu rhif ffôn yw **01978 360360**. Gallwch archebu ar eu gwefan [www.ourschoolwear.co.uk](http://www.ourschoolwear.co.uk). Cliciwch ar 'junior schools' a gallwch weld bathodyn yr ysgol. Byddech yn cael eich cyfeirio at y dudalen perthnasol. Cofiwch labelu dillad eich plentyn, gan gynnwys esgidiau.

**Gair hefyd i'ch atgoffa fod eich plentyn angen gwisg addysg gorfforol addas ar gyfer sesiynau wythnosol. Gofynnwn i'r plant wisgo shorts glas/'navy' a chrys T/polo glas/'navy' ar gyfer y sesiynau hyn. Gall y plant wisgo crys polo glas yr ysgol pe dymunir ar gyfer y sesiynau hyn.**

**Mae llawer o ddillad ysgol yn cael ei gadael ar ol yn yr ysgol ar ddiwedd pob wythnos a thymor. A fyddech cystal a sicrhau fod enw eich plentyn wedi ei farcio yn glir ar bob dilledyn ac esgid os gwelwch yn dda.**

**Schoop** - Cofiwch eich bod yn diweddarau manylion ar Schoop os oes angen er mwyn derbyn y wybodaeth gywir am ddisgwyddiadau a llythyrau. Cofiwch hefyd am wefan yr ysgol sydd yn cynnwys ychydig o wybodaeth am yr ysgol(<http://ysgolidhooson.cymru>) Yn ogystal a hyn mae'r ysgol hefyd yn trydar !

### Byrbryd Bore

Byddwn yn cynnig byrbryd bwyd bore i ddisgyblion o'r dosbarth meithrin i flwyddyn 6. Gofynnwn yn garedig i ddisgyblion y Meithrin a'r Derbyn, blwyddyn 1 a 2 i dalu am eu ffrwythau (bwyd bore) am yr hanner tymor llawn. Gofynnwn i chi dalu £7 am yr hanner tymor yma yn ystod wythnos nesaf, gan y bydd yn arbed amser ac yn hwyluso trefniadau casglu arian. Bydd byrbryd hefyd yn cael ei gynnig i ddisgyblion blynnyddoedd 3,4,5 a 6, am gost o 20c y dydd (£1 yr wythnos). **Fel rhan o gynllun ysgolion iach yr Awdurdod, rydym yn annog y plant i fwyta'n iach gan ddod a byrbryd iachus ar gyfer amseroedd egwyl, ac felly os yw eich plentyn am ddod a byrbryd ei hunain, gofynnwn i'r plant beidio a dod a chreision, siocled a fferins fel byrbryd, yn ogystal a diodydd melys a pop.**

### Dod a arian i'r ysgol

Pan fydd angen i'r plant ddod a arian i'r ysgol ar gyfer unrhyw weithgaredd , a fyddech cystal a rhoi yr arian mewn amlen wedi ei labelu yn glir, gan ei gyflwyno i'r **athrawon dosbarth**. Diolch.

### Cinio Ysgol

Pris cinio ysgol yw **£2.35 (Cyfnod Sylfaen) a £2.40 (Bl. 3/4/5 a 6)**. Ni fydd yn bosib cynnig cinio i unrhyw blentyn sydd yn ddyledus o gyfnod o wythnos neu fwy. A fyddech cystal a sicrhau nad yw'r sefyllfa yma yn codi.

### Cofnod manylion personol - PWYSIG IAWN

**A fyddech cystal a chwblhau y ffurflenni gwybodaeth, fel y gallwn ddiweddarau ein cofnodion yn yr ysgol. Dylid dychwelyd i'r athro/awes ddosbarth erbyn dydd Iau Medi 13eg.(1. caniatad tynnu llun, 2. trefniadau diwedd dydd, 3. caniatad ymweliadau, 4. taflen wybodaeth)**

### Diogelwch o fewn yr adeilad

Yn amlwg mae diogelwch bob amser yn flaenoriaeth yn yr ysgol. Hoffwn eich atgoffa o drefniadau mynediad i rieni a gofaluwr i'r adeilad. Os oes angen cael mynediad i'r adeilad am unrhyw reswm, dylid mynd at y dderbynfa yn gyntaf i egluro y rheswm dros fod angen dod i'r adeilad. **Bydd angen caniatad cyn gallu cael mynediad i'r prif adeilad.**

Diolch am eich cydweithrediad a'ch cefnogaeth.

*Rhodri Jones*

Pennaeth



